

Xojon carta-la San Pablo xi kiskiì ítjòn-la xita naxandá-la Cristo xi títsajna Tesalónica

Kó tsò Pablo nga síhixat'aà jñà xita naxandá-la Cristo xi títsajna Tesalónica

1 ¹Jñò xi xita naxandá-la Nainá maà xi títsajnaà ya naxandá Tesalónica nga ya títsajnakjoòkoo Nainá xi Na'è-ná kò jè Jesucristo xi otíxoma-ná, 'an xi 'mì-na Pablo títsanihixot'aà-nòjen kò Silvano [tíjé-ne xi 'mì Silas] kò Timoteo. Nainá kàtatsjá-nò kjondaà kò kjoa'nchán ya ijìn inima-nò.

Kó tsò Pablo nga tsjá-la kjondaà Nainá

²K'e nga nokjoat'aà-lajen Nainá, kjit'aà naxrjein 'biì-lajen kjondaà ít'aà tsajòn. ³Bítsjeèn-najen nga nguixkon Nainá xi Na'è-ná koni s'ín nga títsanixá, koí kjoa-la nga mokjeiín-nò ít'aà ts'e Cristo, tíkoo ndaà nixá-là xita xi kj'eíí nga matsjacha, nga tíkoo kixi títsajnaà nga títsachiñà-là Jesucristo xi otíxoma-ná. ⁴Ndí 'ndsè, Nainá matsjakeè-nò. 'Ya-nájen nga xó k'oas'ín jaèjìn-nò nga xita naxandá-la komaà. ⁵Nga jè 'én ndaà-la Nainá xi kjoa ts'e Cristo xi tsibènojímí-nòjen, mìtsà ta 'én tsajen xi kinokjoáko-nòjen. Jè Inima Tsjeè-la Nainá kitsjaà-najen nga'nó, kò tíkoo 'nó ndaà kjòchiya-najen nga nguì kixi kjoa. Jñò, ndaà ki'yaà k'e nga ya tsakítsajna-jen, ndaà kinìchját'aà-nòjen xi kjondaà tsajòn.

⁶Jñò, k'oa s'ín ki'nè koni s'ín ki'nè-jen kò koni s'ín s'ín Cristo. Jè Inima Tsjeè-la Nainá kitsjaà-nò kjotsja nga komà kichjoétjò 'én-la Nainá nas'ín 'nó tse kjo'in tsatojioòn.

7K'oaá ma-ne jñò tsakoð jngoð-là kjoa xi ndaà tjin nga kiskinguì ngats'iì xita xi jye kòkjeiín-la 'én-la Nainá ya nangui Macedonia ko Acaya. 8Nga yaá kjòts'ia-ne it'aà tsajòn nga tsabísòn jè 'én ndaà-la Na'èn-ná; mìtsà tà ya nangui Macedonia ko Acaya; xki xi ján kina'ya-la nga jñò, ndaà mokjeiín-nò it'aà ts'e Nainá. K'oaá ma-ne nga mì ti kii mochjeén-ne nga ngajen kénojmi-lajen xita it'aà tsajòn, nga jyeé beè-nò xita. 9Nga tijña bénojmi-ne nga ndaà kichjoétjò-nájen k'e nga ijchochoòn-nòjen. Tikoáà tsò-né nga jñò jyeé kinikíjna kjoa ts'e xkòsòn. I'ndeì jyeé ya tjaat'aà-là xi ngui jè sobà Nainá xi kixi kjoa nga tijnakon. 10Tikoáá bénojmi-né nga titsachiña-là Ki'ndí-la Nainá nga kitjojen ijngoð k'a-ne ngajmii, jè xi tijè-ne Jesús xi Nainá kisikjaáya-la k'e nga k'en, nga jè-né xi kochrjekàjiin-ná kjo'in ts'e kjoajti-la Nainá xi sa nchrobá.

Xá xi kis'iin Pablo ya naxandá Tesalónica

2 1Jñò ndí 'ndsè ko ndí tichjaá, 'ya-nò k'e nga ijchochón-nòjen mìtsà ta kjotjò. 2Nga jyeé ndaà tjiin-nò koni s'ín komàt'in-jen ján naxandá Filipos, nga 'ñó tse kjo'in kinikjeiín-jen; 'ñó kijtseètoòn-najen xita; tanga Nainá kisichját'aà-najen nga kitsjaà-najen nga'ñó nga komà tsanguì-jen ya naxandá-nò nga komà tsibènojmi-nòjen 'én ndaà-la Nainá nas'ín 'ñó kjin ma kondra-najen. 3Nga 'én kixí kinokjoàya-jen, mìtsà jò tjin inima-najen nga tsibènojmi-nòjen, tikoá mìtsà xita kichonachan-lajen. 4Nga Nainá jyeé kiskoòt'aà-najen ko k'oaá kitsò nga ok'ín-najen nga ngajen kjòngatsja-jen 'én ndaà-la Nainá xi kjoa ts'e Cristo mé-ne nga koma kinókjoàya-jen. Mìtsà jè xi mejèn-najen nga ndaà kitsajna-jen nguixkon xita; jè-né nga ndaà kitsajna-jen nguixkon Nainá nga jè xi tíbeè inima-ná. 5Jyeé ndaà tjiin-nò nga mìtsà 'én tsjen nokjoà-jen koni tsà mé xi mejèn-najen nga k'oi-nájen, tikoáà mìtsà ton binchaàtsji'ma-jen. Kjoa koi, Nainá tíbeè-né. 6Mìtsà jè binchaàtsji-jen nga jñò, ko xita xi kjeíí, nga 'nga siikítsajna-nájen. Tsà jin xi mejèn-najen nga tsibìnè-nòjen kjotixoma xi tjin-najen nga it'aà ts'e Cristo kisixáya-najen, komaá-la okiniko-nòjen. 7Tanga mìtsà kos'ín kiniko-nòjen. Ta saá k'oas'ín kiniko-nòjen koni ndí ixti. K'oaá ngaya-la koni jngoð nea xi síkaki ixti-la nga ndaà síjchá ixti-la. 8'Nó tjòcha

ki'ya-nòjen. K'oaá ma-ne nga ko kjotsja-najen tsibènojmi-nòjen 'én ndaà-la Nainá xi kjoa ts'e Cristo. Tìkooá matsjaá-najen nga ndaà kinìko-nòjen nìta mé kjoa xi komàt'ioòn ta koií kjoa-la nga 'ñó matsjacha-nòjen. ⁹Ndí 'ndsè ko ndí tichjaá, bítsjeèn-nò kós'ín kinìxá-jen nga binchaàtsji'a-jen yijo-najen. Ko nàchrjein ko nìtjen nìxá-jen, mé-ne nga mì jñò sijti-nòjen jñà nàchrjein k'e nga kinokjoàyajiiin-nòjen 'én ndaà-la Nainá.

¹⁰Jñò, ndaà ki'yaà, tìkooá Nainá kijtseè-né, nga ngajen ndaà kinìko-nòjen. K'oaá s'ín kinìko-nòjen koni s'ín sasén-la Nainá koni s'ín tjín xi kjoa kixi. Ko niyá xi jé koònè-najen koni s'ín kinìko-nòjen jñò xi mokjeiín-nò 'én ndaà-la Nainá. ¹¹Tìkooá jyeé ndaà tíjiin-nò nga jen, ndaà kinìko-nòjen nga jngod ìjngod koni s'ín síko ìxti-la jngod xita xi na'èn ma. ¹²Kinìje ikon-nòjen koa kinì'ñójiin-jen takòn ko k'oas'ín tsibìnè-nòjen nga k'oas'ín s'een koni s'ín ok'in-la xi xita-la Nainá maà; nga jè-né xi sík'i'nchré-nò nga ya tìtsajnajiiin-là xita xi jye jè tíhotíxoma-la ko tìkooa ya tìtsajnajñòd kjoajeya-la.

¹³Kjit'aà nàchrjein 'biì-lajen kjondaà Nainá koni s'ín ndaà kichjoétjò 'én-la nga mìtsà k'oas'ín kichjoétjò koni 'én-la xi taxkì xita. K'oaá s'ín kichjoétjò koni tjín xi nguì kjoa kixi nga 'én-la Nainá-né. Jñà 'én koi, tí'yaá-la nga nchisíxájiin inìma-nò jñò xi mokjeiín-nò. ¹⁴Jñò ndí 'ndsè ko ndí tichjaá, k'oaá s'ín komàt'ioòn koni s'ín komàt'in jñà xita naxandá-la Nainá xi mokjeiín-la it'aà ts'e Cristo Jesús xi tìtsajna ján nangui Judea. Tìjñà-ne xita naxandá judío xíkjin kiitjingui kondra-la. Jñò tìjñà-ne xita naxandá tsajòn kiitjingui kondra-nò. ¹⁵Jñà xita judío kisik'en Na'èn-ná Jesús ko tìjñà-ne xita jchínga-la kisik'en jñà xita xi kiìchjaya ngajo-la Nainá kjòtseé. I'ndeì, tákó k'oaá síko-najen nga fitjingui kondra-najen. Nainá mikii sasén-la kjoa xi s'ín xita koi, nguì kondraá fi-la ngats'iì kjoa, ¹⁶nga mikii tsjá'nde nga nokjoà-lajen jñà xi mìtsà xita judío mé-ne nga tìkooa kitjokàjiin-ne kjo'in. K'oaá ma-ne xita koi, skanda nchisíkatonè-la nga ótsji jé-la yijo-la. Jyeé kjomeè f'iikanè-la kjo'in xi tjìko kjoiti-la Nainá.

**Kó kitsò Pablo nga mejèn-la kjìkon jñà xita-la
Cristo xi tìtsajna ya naxandá Tesalónica**

¹⁷Ndseé ko tichjaá, k'e nga chinchat'aàxin chiba nàchrjein-nòjen, nas'ín mì tì kii kiyaxkon-ná xinguiáá, ngajen

'nó nìkítsjeèn-nòjen. 'Nó mejèn-najen nga onguíchoòn-nòjen. ¹⁸Mejèn tsanguì-jen. 'An xi 'mì-na Pablo, kjin k'a mejèn kiaà, tanga jè xitá neíí mìkìl kitsjaà'nde-najen. ¹⁹Kjoa tsajòn-nò nga titsachiiná-lajen nga 'nó kotsja-najen kò nga ndaà kitjo-jen k'e nga kjoíí ijngod k'a Na'èn-ná Jesucristo. ²⁰Kixíí kjoa it'aà tsajòn-nò nga ndaà kitjongui-jen kò nga s'e-najen kjoa tsja.

Mé-ne ya kinikasén-ne Timoteo ján naxandá Tesalónica

3 ¹K'e nga mì tì kii komà kichìkjoa isa-najen nga mejèn-najen sijiin-najen kó s'ín titsajnaà ján Tesalónica, k'oaá komà-ne nga kichibàya-najen nga kinikasén-jen jè 'ndsè Timoteo, kò ngajen yaá tsitsajna-jen Atenas. ²Kinikasén-jen jè 'ndseé Timoteo, chí'nda-la Nainá-né nga tìkoaá chjaya 'én ndaà-la Nainá xi kjoa ts'e Cristo koni ngajen. Koií xá kiikon-nò mé-ne nga kàtatsjá-isa-nò nga'nó nga isa 'nó ndaà kixi kítsajnaà koni s'ín mokjeiín-nò, ³mé-ne nga nijngod xi s'hindaà-ne kjoa ts'e kjo'in xi titsanìkjoón. Jñò, jyeé ndaà tjiin-nò nga k'oaá s'ín tjínè-la nga kos'ín komat'iaán. ⁴K'e nga tisa ya titsajnakò-nòjen, k'oaá ki'mì-nòjen nga kjo'íin s'e-ná. I'ndeí, jyeé tisa'yaà nga k'oaá s'ín tímat'iodn. ⁵Koií kjoa-la nga mì tì kii kiskodñà kjoa-na; kisikasén Timoteo nga mejèn-na skoeé kós'ín titsajnakoo jè 'én xi mokjeiín-nò. Tìmakájno-na tsà jye kiskodnàchan-nò jè xitá neíí. Tsà koií nachrjein-la, xá xi ki'nè-jen, tsà ta kichijà-né.

⁶I'ndeí, jè Timoteo jyeé j'iì-ne nga kii Tesalónica; ndaà tsò okixi xi 'ya-najen it'aà tsajòn koni s'ín mokjeiín-nò kò nga tjín-nò kjòtsjacha. K'oaá s'ín tsibénojmí-najen nga kjit'aà nachrjein tsjaá ma-nò nga nìkítsjeèn-nájén. Tìkoaá mejèn-nò nga jchaxkoòn-nájén koni ngajen tìkoaá mejèn-najen jchaxkoòn-nòjen. ⁷K'oaá ma-ne ndí 'ndsè kò ndí tichjaá, nas'ín kjo'in kò kjoa kondra titsajnajiin-jen, k'e nga kina'yà-jen it'aà tsajòn nga 'nó ndaà mokjeiín-nò it'aà ts'e Cristo, tìkoaá ngajen, 'nó ndaà kjòtsja-najen. ⁸K'e nga kina'yà-jen nga kixi onguít'aà-là Na'èn-ná, ngajen jyeé mì tì mé makájno-najen. ⁹Ngajen, 'nó tse kjòtsja tjín-najen nga nguixkòn Nainá xi kjoa tsajòn skanda mì-la kii kjoehet'aà nachrjein nga k'oi-lajen kjondaà Nainá. ¹⁰Kò nachrjein kò nitjen nokjoàt'aà-lajen Nainá mé-ne nga tsjá'nde-ne nga koma konguíchoòn-nòjen. Tìkoa koma kokòya-isa-nòjen

mé-ne nga kojngod-ne 'én xi chijjat'aà-nò koni s'ín mokjeín-nò.

Kjoa bìtsi'ba-la Pablo

¹¹ Mejèn-najen nga tijè-ne Na'èn-ná xi Nainá kò jè Jesucristo xi otíxoma-ná, kàtatsjá'nde-najen nga koma konguíchoòn-nòjen. ¹² Jè kjotsjacha-la Na'èn-ná isa ndaà kàtasijiin inima-nò, mé-ne nga isa ndaà kotsjacha-nò xinguiòo kò ngats'iì xita xi kjeíí, koni ngajen, ndaà matsjacha-nòjen. ¹³ Jè Na'èn-ná kàtatsjá-la nga'ño inima-nò mé-ne nga nimé jé sakòt'aà-nò kò tsjeè kítsajnaà nga nguixkon Nainá xi Na'èn-ná k'e nga kjoíí ijngod k'a-ne Jesucristo xi otíxoma-ná nga tjiko ngats'iì xi ya chja-ne.

Kjoa xi sasén-la Nainá

4 ¹ Ndí 'ndsè kò ndí tichjaá, k'oaá s'ín tsakoòya-nòjen nga k'oas'ín sijchá yijo-nò koni s'ín sasén-la Nainá. Kò kixíí kjoa, jyeé kos'ín títsa'nè. Tanga i'ndeí bìtsi'ba-nòjen tikoa binè-nòjen it'aà ts'e Jesús xi otíxoma-ná nga isa 'ño ndaà tjì-là nga'ño yijo-nò nga kos'ín tikitasòn.

² Jyeé tjiin-nò kó s'ín tjín kjotíxoma xi kits'iì-nòjen koni s'ín kitsjaà-najen Jesucristo xi otíxoma-ná. ³ Jè xi mejèn-la Nainá nga nguì tsjeè sijchá yijo-nò, mì tì kjoa chijngui sis'in-là. ⁴ Nga jngod ijngod-nò tikindaa yijo-nò; k'oas'ín tikjeén nga nguì tsjeè títsajna koni s'ín sasén-la Nainá. ⁵ Kì biì'nde-là nga síkijne-nò jña kjoa ch'o xi síjé yijo-nò koni s'ín jña xita xi mìkìì beèxkon Nainá. ⁶ Jñò xi 'ndseé chibá it'aà ts'e Cristo, kì k'oaá tjín kjoa xi kaājñod mé-ne nga mì xinguiòo chónachan-là nga mì xinguiòo jchatoòn. Tsà k'oas'ín s'een, kjo'íin tsjá-nò Nainá. Jyeé k'oas'ín tsibènojmi-nòjen. ⁷ Nainá mìtsà koi xá kiichja-ná nga ch'o s'eén, jè xi mejèn-la nga tsjeè kítsajnaá. ⁸ Jè xi ochrjekàngui kjoa koi, mìtsà kjohítsjeèn ts'e xita ochrjekàngui, kjohítsjeèn ts'e Nainá ochrjekàngui; nga jè xi tsjá-nò Inima Tsjeè-la.

⁹ Mìkìì mochjeén nga xojon skiit'aà-isa-nò xi ts'e kjoatjòcha. Nainá jye tsakóya-nò kós'ín sitjòchaà xinguiòo nga jngod ijngod. ¹⁰ Jyeé kos'ín títsa'nè nga matsjacha ngats'iì xita xinguiòo xi títsajna kóhokji ya nangui Macedonia. Tanga k'oaá s'ín bìtsi'ba-nòjen nga isa ndaà títsjacha xinguiòo. ¹¹ Tìnè-là

yijo-nò nga 'nchán tìtsajna, kì kjoa-là xinguiòo chingàjñòò, t'een xá-nò koni t́jín xá xi ma-nò, koni s'ín jye ki'mì-nòjen ngats'iì kjoa koi. ¹²Mé-ne nga skoexkón-nò jñà xítà xi mìkiì mokjeiín-là 'én-là Nainá. Koà jñò, nímé chijat'aà-nò.

K'e nga kjoíí ìjngòò k'a-ne Na'è-ná Jesucristo

¹³Ndí 'ndsè kò ndí tichjaá, mejèn-najen nga kàtasijiín-nò mé kjoa xi mat'in jngòò xítà xi biyaà, mé-ne nga mì kobaá-nò koni jñà xítà xi nímé nchikoña-la. ¹⁴Koni s'ín mokjeiín-ná nga Jesús k'en, ìkjoàn jaáya-la, k'oa tìs'ín mokjeiín-ná nga Nainá sììkjaáya-la xítà xi jye k'en, jñà xi mokjeiín-là it'aà ts'e Jesús.

¹⁵Nga koií 'én bènojmiya-jen koni tsò 'én xi tsibíjna Jesús nga jñá xi tìtsajnakoaán skanda k'e nga kjoíí ìjngòò k'a Na'è-ná Jesucristo, mìtsà jñá kjiín ítjòn-lá jñà xi jye k'en. ¹⁶Nga jè sobà Na'è-ná kitjojen ìjngòò k'a-ne ngajmii; ñó kichja nga tsjá okixi, kíná'ya jngòò-la jta ts'e àkjalé ítjòn, kò kíná'ya-la chrjo-la Nainá; ìkjoàn jñà xítà xi jye k'en nga mokjeiín-là it'aà ts'e Cristo, kjoáya ítjòn-la. ¹⁷Ìkjoàn jñá xi tákó tìtsajnakoaán jè nàchrjein jè, yaá tjámijìn-tjen-koaá ijììn ifi nga kixokjoaá Nainá ya ijììn isén. K'oaá s'ín koma nga ya kìtsajnakoaá Nainá nítà mé nàchrjein-ne. ¹⁸K'oaá ma-ne nga tije takòn xinguiòo nga tènøjmiya-là koni tsò jñà 'én koi.

5 ¹Ndí 'ndsè kò ndí tichjaá, mìkiì mochjeén nga xojon sit'aà-nò mé nàchrjein-ne nga okoma. ²Jñò, nga jyeé ndaà tíjììn-nò, jè nàchrjein k'e nga kjoíí ìjngòò k'a Na'è-ná Jesucristo, k'oaá s'ín kjoíí koni jngòò xítà chijé xi f'iì nga nítjen k'e nga niyá xi nchikoñaá-la. ³K'e nga kító jñà xítà: "Nchán tìtsajnaá, nímé kjoa t́jín." K'eé tà nitoón kitjojenè-la kjojkón koni s'ín mat'in jngòò chjoón xi bijchó nàchrjein-la nga ki'ndí 'beé, mìkiì kojno-la. ⁴Tanga jñò ndí 'ndsè kò ndí tichjaá, mìtsà jìjìn jñò tìtsajnaà jñò. Kò k'oaá ma-ne nga mì k'oaá s'ín komat'iodòn jè nàchrjein jè, koni ma k'e nga ta nitoón fì jngòò xítà chijé. ⁵Tanga jñò, ngats'iod, iseèn choòn ñánda tìtsajnaà, kò nàchrjein-né. Nga jñá, mìtsà ijììn jñò tìtsajnaá kò mìtsà nítjen tìtsajnaá. ⁶K'oaá ma-ne nga mìkiì k'oa s'eén koni s'ín xítà xi kj'eíí nga mì tìtsajnandaà-jèn mé kjoa xi t́jín k'oaá ngayala koni tsà kjiyijòfè. Mochjeén-né nga kìtsajnandaá koni jngòò xítà xi t́jnakon, xi nguì ndaà t́jín ikon. ⁷Nga jñà xítà xi oyijòfè, k'eé oyijòfè k'e nga jñò. Kò jñà

xi mach'i, k'eé mach'i k'e nga jñò. ⁸Tanga jñá, yaá titsajnaá ñánda iseèn choòn. K'oaá ma-ne nga ndaà sjchá yijo-ná. Jè 'én xi mokjeín-ná kò jè kjoatjòcha, jñà kosìkò inìma-ná koni jngoò soldado xi ndaà kijtsa inìma-la jè chrjoa xi 'mì coraza. Kò k'e nga nguì tìjngoò takoán nga chiñá-lá jè nachrjein k'e nga kitjokàjñaá kjo'in, jè ngaya-la tsí'nguién kichá xi osìkò skò soldado. ⁹Nainá mitsà koi xá jaàjìn-ná nga kjo'in tsjá-ná, jé-né nga kitjokàjñaá kjo'in it'aà ts'e Jesucristo xi otíxoma-ná. ¹⁰Nga jè k'en ngajo-ná mé-ne k'e nga kjoíí ìjngoò k'a-ne, tsà titsajnakoaán, kò tsà jye k'eén, yaá kitsajnakoaá. ¹¹K'oaá ma-ne nga tijetakòn kò tjiì-la nga'ño xinguiòo koni s'ín jye titsa'nè.

Kjotíxoma xi kitsjaà Pablo

¹²Ndí 'ndsè kò ndí tichjaá, nijé-nòjen kjondaà, jchaxkón xita xi síxáko-nò nga jñà títsajna itjòn ya ijìn naxandá-la Nainá kò nga okóya-nò. ¹³Ndaà jchaxkón tìkoo ndaà títsjacha xita koi, jè kjoa-la xá xi s'ín. 'Nchán titsajnakoo xinguiòo.

¹⁴K'oa tís'ín bìtsi'ba-nòjen ndí 'ndsè kò ndí tichjaá, kot'in-là nga kàtasíxá jñà xita xi ta jyò tjíma nga majìn-la síxá; tì'ño ikon jñà xi indaà tjín ikon; tìchját'aà-là jñà xi tsjìn-la nga'ño ya ijìn inìma-la; kò kàtas'e-nò kjoatsejta it'aà ts'e ngats'iì xita-la Nainá.

¹⁵Tsà k'e nga mé kjoa xi ch'o síko-nò xita xi kje'íí, tìkindaa xinguiòo nga mì sijnà ngajo-ne. Ta saá tìnè-là yijo-nò nga kjit'aà nachrjein ndaà tìkoo xinguiòo kò ngats'iì xita xi kje'íí.

¹⁶Kjit'aà nachrjein tsja t'è-là inìma-nò. ¹⁷Titsi'ba kjit'aà-là Nainá. ¹⁸Nita mé kjoa-ne, tjiì kjit'aà-là kjondaà Nainá. K'oaá s'ín mejèn-la Nainá nga k'oas'ín s'een ngats'ioò xi mokjeín-nò it'aà ts'e Cristo Jesús.

¹⁹Kì bichjoá ikòn-là xá xi s'ín Inìma Tsjeè-la Nainá. ²⁰Kì nachrjekànguiòò 'én-la xita xi chja ngajo-la Nainá. ²¹Ndaà ndaà chít'aà yije ngats'iì 'én. Jñà tìkítsajnatjò xi ndaà tsò. ²²Ngats'iì xi ch'o tsò, kì kii nìkitasòn.

²³Jè Nainá xi tsjá kjoa'nchán, jngoò k'a tsjeè kàtasíkítsajna-nò. Ndaà kàtasíkìnda inìma-nò, yijo-nò kò kjohítsjeèn-nò mé-ne nga nímé jé s'e-nò jè nachrjein k'e nga kjoíí ìjngoò k'a jè Jesucristo xi otíxoma-ná. ²⁴Nga xita kixi-né jè Nainá xi xó kiichja-nò, sìkítasòn yijee kjoa koi.

Kó kitsò Pablo nga síhixat'aà x̄it̄a

²⁵'Ndseé k̄o tichjaá, titsi'batji-náj̄en.

²⁶T̄iixot'aà ngats'iì x̄it̄a 'ndseé nga nguì k̄o in̄im̄a-nò.

²⁷'An, tsja-nò ɔkixi nga nguixk̄on N̄a'èn-ná nga k̄at̄axkejiìn-l̄a x̄oj̄on jè ngats'iì x̄it̄a n̄axandá-l̄a Nainá.

²⁸Jè k̄at̄ijnako-nò k̄j̄ondaà-l̄a Jesucristo xi ot̄ixoma-ná.